



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 39. S. Chrysostomus Pauperum Curator.

[urn:nbn:de:hbz:466:1-66042](#)

Sæculum IV. malum inde nasci, quod in sola fuga tur-
A. C. 399 pis operis Virginitatem constituant, dum

tamen muliebrem ornatum, aliosque
mundanorum mores non dimittunt. His
S. Chrysostomi sermonibus illi de ipsius
Clericis offensos se crediderunt, qui hos

Pall. pag. 45. abusus amabant. Exinde in eorum ava-
ritiam perorare cœpit, & vivendi usus,
atque hortabatur, ut, suis salariis con-
tent, ad divitium mensas non current,
puderetque Sacerdotes Laicorum para-
fitos, & adulatores dici. Ajebat, Pres-
byteris, quæ necessaria essent, abundan-
ter concedenda, ne labore succumberent,

Hom. 15. in eosque temporalium rerum sollicitudo
1. Tim. ad 5. a spiritualibus averteret. Id vero non
18. Hom. 21. in *1. Cor. ad* probabat, si alimenta, & vestitum ha-
9. 7. bentes, adhuc bonis temporalibus in-
hiarent.

§. XXXIX.

*S. Joannes Chrysostomus pauperum
Curator.*

Pall. p. 46. *S*anctus Joannes Promi Condi sui com-
mentariis examinatis sumptus Ecclesiæ
inutiles rescidit. Expensas quoque pro
Episcopo nimis profusas judicans, super-
flua ægrotorum Hospitio addixit. Cum
in dies pauperum necessitates augeri cer-
neret, plura hospitia condidit, his opti-
mæ vitæ Presbyteros præfecit, Medicos,
coquos, operarios, qui laborantibus in-
servi-

servirent, omnes vero cœlibes, consti- Sæculum IV.
 tuit. Populos civitatis Constantinopo- A. C. 399.
 litanæ hortabatur, ut quisque Paterfa-
 milias hospitium domesticum haberet, ^{hom. 45. in}
^{acta mor.}
 id est, in qualibet domo cubiculum, pau-
 peribus destinatum. Sed & ulterius
 Chrysostomi charitas progressa est; ex-
 emplum primorum Christianorum Jero-
 solymæ proponebat, suadens, ut omnia
 bona sua in communem massam compor-
 tarent. *Quantum forte auri, inquiebat:*
colligendum putatis, si omnes Fideles bona
sua venderent? forsitan tota summa de-
cies, vel potius vicies, aut tricies centena
millia librarum aurearum conficeret, nam
saltem centum millia Christianorum in bac
urbe numerantur, reliqui sunt Judæi, &
Gentiles, pauperum autem numerum quin-
quaginta millia hominum superare non
puto; quam facile sustentari possent! rur-
susque quanto facilis ali possent, & mi-
nori impendio, si in communitatem coire
juberentur? Illi etiam, qui Christiani non
sunt, ad hoc opus de suo contribuent. Imo
vix futurum, ut si tantum charitatis ex-
emplum præbuerimus, quisquam in infide-
lite permaneat! mea opinione ne unus
quidem; sic omnes ad Christum perduce-
mus! si mibi creditis, spero cum auxilio Pall. 47.
Dei id futurum, tantum mea ne spernatis
confilia, & ad rem ordinate procedamus!
 Post hæc convocatas ad se viduas, quæ

I 4 repre-

Sæculum IV. reprehensibilis vitæ erant, examinabat,
A. C. 399. suadebat, ut jejuniis se exercerent, si quas
Hom. 15 in
1. Tim. ad
5. 14. voluptatibus deditas videret, atque ut
 balneis, & superfluo corporis cultu ab-
 stinerent; aut eito ad secundas nuptias
 transirent, ne suis moribus Religioni Ca-
 tholicæ probro essent. Mulieres enim,
 inquit: si a marito liberatae sint, nec to-
 tas se Deo mancipent, otio, obtrectationi,
 curiositati, aliorumque negotiis, nibil ad
 se spectantibus, se dedunt.

§. XL.

Populum erudit.

Pall. p. 47. **S**anctus Chrysostomus populum in suis
 Concionibus admonebat, ut officio
 nocturno interesset, nempe viri, quibus
Hom. 13. in per diem Ecclesiam adire non vacabat,
Ep. ad Hebr. foeminas vero domi manere jubebat, &
Mor. tantum de die in Ecclesiam venire.
Hom. 26. in Semper, ait: Dei meminerimus tunc ve-
et. Mor. ro maxime, quando animo tranquillo su-
 mus, id est, boris nocturnis, nam de die
 multis rebus turbamur. Et alibi: Non
 ideo facta est nox, ut tota somno, & otio
 perdatur; id nos artifices, aurigæ, mer-
 catores suo exemplo docent, id Ecclesia Fi-
 delium, media nocte surgentium, nos mo-
 net; vos quoque surgite, pulcherrimum
 stellarum ordinem considerate, profundum
 naturæ silentium, & quietem perfectam.
 Tunc anima purius cogitat, levior est, &
 ad